

畿

輔

安

瀾

志

畿輔安瀾志

臣王履泰恭纂

衛河卷六

橋渡

玉帶橋在東明縣北門外漆河明萬曆十六年知縣朱誥建甃石爲之

本朝康熙六十年河決釘船幫且抵漆河滙爲巨浸橋圯知縣黃宗弼重修易以木乾隆十六年又修長二

十五丈寬一丈五尺高一丈六尺

玉虹橋一名水月莊橋在玉帶橋東甃石爲之乾隆三年重修

以上兩橋皆漆河橋

董家橋在東明縣西十五里

楊家橋在東明縣西南十五里

楊家石橋在東明縣西南十二里雲臺東

陳家橋在東明縣西十五里

普河橋在東明縣東南八里

周家橋在東明縣東南七十里

以上六橋皆普河橋

洪河橋在東明縣城南三里甃石長七丈寬一丈五尺高一丈三尺明萬曆六年建

謹案東明縣洪河橋二一在城南三里一在城東關外明邑人石星有東關洪河石橋記云凡七空長二十丈濶一丈縣令徐學乾修建又云東橋成



而後移其功於南橋今洪河已由縣城東東橋  
久廢不可考所有惟南橋耳縣志乃載東橋而反  
遺現存之南橋作志之陋略不足信如此

白家店磚橋在東明縣北十里因濬司馬陂溝衝  
斷驛路乾隆十五年建木橋於米聚屯在驛路迤東  
行旅未便十八年復於白家店建磚橋亦洪河橋也  
黃陵渡在東明縣東南八十里

杜勝集渡在東明縣南六十里

以上二渡皆老黃河渡

文家集橋在長垣縣東南勢石爲之在陶背河建置  
無考

文明橋在長垣縣城南沙河西北道上

陽澤橋在長垣縣南門外明正德十一年建隆慶三  
年知縣吳宥孫鏞相繼修

惠政橋在長垣縣西門外明正德十一年義官王仍  
建

周申侯橋在長垣縣北門外邑人周敏申興侯宗建  
北郊橋明嘉靖中知縣王三省建

廣濟橋在長垣縣西郊外明萬厯三十五年知縣袁  
和建

本朝康熙九年知縣宗琮修

以上皆護城河橋

大通橋在長垣縣東北二里許甃石長廿五丈寬三丈  
高一丈明萬厯九年邑人成官建

戚家橋在長垣縣東甃石爲之建置無考

長垣縣志白家河自毛家渾東入齊家河此橋蓋

以河得名

謹案東光縣志戚家堰卽齊家屬則齊家河卽戚家河語音之訛也

以上皆遼家河橋

南溪橋在開州東南八十里之汭河頭毛相河上

浮翠橋在開州東南洪洋山南距城五里明宏治中

知州王瑩修後知州楊加慶易以石七空高丈有五

尺廣二丈長九丈有奇



謹案此橋蓋柳青河往瀘州陂而東出逕於橋下者

西門橋在開州西門外邑人馮永陞修南磚橋在南門外北石橋在北門外石川橋在東門外朋知州張宸建

以上柳青河橋

七空橋在開州城南二里跨古隄上甃石長六丈寬一丈五尺高一丈一尺建置無考

謹案一統志石川橋在開州東門外明嘉靖中  
開州志知州張寰建今七空橋豈卽石川橋耶開  
州東門外今無橋惟城南之橋巍然獨存志或訛  
南爲東未可知耳

趙村橋在開州東北二十里之趙村溝上

王家莊橋在趙村橋北二十里

北李上橋在王家莊橋西五六里跨西白倉溝上

謹案澶州陂東北滙爲趙村陂流出爲溝渠又西

引王家潭口復入白倉之北下入清豐界是爲馬  
頰河之上流有古橋三皆失名志亦不載土人各  
以其村名之

浮橋在開州東舊有橋以濟渡今黃河斷流橋亦廢  
宋史五行志天聖七年六月河北大水壞河澶浮  
橋 張觀傳康定中知相州徙澶州河壞孫陳埽  
及浮橋躬率卒徒增築之 明鎬傳王則黨八年  
正月斷澶州浮橋

三里橋一名舊城橋一名孫家橋在清豐縣治西南  
三里馬頰河斃石長三丈廣一丈二尺高一丈二尺  
建置無考

西大橋在清豐縣城西半里馬頰河斃石長五丈寬  
一丈三尺高一丈建置無考

紙坊橋在清豐縣東十二里豬龍河斃石長二丈寬  
一丈一尺高一丈建置無考

楊家橋在清豐縣東一里豬龍河

小楊家橋在清豐縣東北六里豬龍河斃石長三丈  
寬一丈二尺高一丈建置無考

西河橋在清豐縣西郊外豬龍河

大河橋一名三里橋又名唐家橋在清豐縣東北三  
里豬龍河斃石長二丈寬一丈二尺高一丈八寸文明嘉靖  
中知縣李汝寬建

韓家橋在清豐縣北十二里邵家灣村東豬龍河斃  
石長二丈寬一丈二尺高一丈今止存舊址

樂清橋在南樂縣西北四里甃石長四丈寬一丈二尺高八尺明嘉靖四年建

本朝康熙四十七年重修

〔南樂縣志〕縣西北四里岳儒固村有古河一道自開州界流至此知縣王邦彥周球相繼建修嘉靖四年知縣王守誠創建石橋

謹案縣志所謂古河卽馬頰河自開州流逕清豐縣南而北入南樂境又縣志尙載有繁水橋宋政

和五年夏都水監孟昌齡奏開鑿大伾平山兩河  
回引支流修築木橋今河枯廢不知遺址疑在縣  
西北繁水上考宋史河渠志政和四年孟昌齡獻  
議導河大伾置永遠浮橋橋濬州者錫銘新城橋  
屬滑縣者賜名榮光橋俄改榮光曰聖功重和年  
年河壞天成聖功橋則此橋不在南樂縣境明矣  
又旋建卽壞何由知其遺址在縣西北繁水上耶  
方輿紀要南樂縣西北有王村隄繁水所經合繁

水淺涸非復故流是并繁水亦難考矣又縣志載有澧水橋云舊在孔村永樂十二年移縣西十里此蓋本之明統志及一統志考明統志本作南和縣澧水橋蓋誤入大名府下也南和順德府屬澧河在任縣東一十五里上接南和縣下流入真定府隆平縣界明統志載順德府澧河而反不載澧河橋大名府無澧河無南和縣而反載入之其爲誤入無疑諸志直以南和爲南樂之訛而不之察



是誤而又誤也又統志永樂十三年縣志作十二年亦非

李固渡在廢魏縣境

金史河渠志世宗大定八年河渡李固渡

謹案方輿紀要李固鎮在魏縣東南薛居述曰鄴西有柵曰李固清淇合流於其側唐同光以後魏州有鄴都之稱故曰鄴西渡舊有橋柵府元龜鄴西有柵曰李固柵有橋今橋渡俱廢

雙井渡在廢魏縣境

方輿紀要魏縣南四十里有雙井渡漳魏合流之衝也正德初漳水自雙井渡決入衛河

泊口渡在廢魏縣南五十里

閻家渡在廢魏縣境

方輿紀要在縣東南二十五里正德初漳水自閻家渡決入衛河

龍王廟渡樊二莊渡五里舖渡旦疇渡朱家口渡樓

底口渡田教口渡皆在元城縣境

天名縣志龍王廟義渡康熙年頓邑侯咸泰申請  
設船一隻

小灘鎮渡在元城縣境乾隆二十一年設大舡十隻  
建浮橋舊時有舡濟運明宏治改造浮橋後兌移而  
橋亦廢近復立

以上衛河渡 明大學士徐溥小灘鎮廣濟橋記  
畧宏治二年黃河改徙迫於汴梁合於洹入於衛

河河隘而隄卑自大名而下其勢冲決尤甚京儲  
自山東河南而來者悉自小灘鎮兌運先此率造  
小舟以渡人以爲病於是易以橋自府南之艾家  
口濬縣之李家道口至小灘鎮各造小舟七艘以  
爲浮橋聯以鐵纆衛以木植渡者俱以爲便乃卽  
小灘鎮之北架木爲梁施板於上面覆以石中空  
丈餘以時啓閉而中通無阻名其橋曰廣濟  
謹案方輿紀要小灘鎮在大名府東北三十五里

衛河濱自元以來爲轉輸要道又東北三十里達  
山東冠縣今河南漕運以此爲轉兌之所其西南  
數里爲岔道村亦衛河所經也又案元入漕江

淮之衆達於河至封邱陸運一百八十里至淇門

鎮

在衛輝府汲縣東北五十里

入衛河永樂後改兌於小灘成

化十六年戶部議漕運事宜以大名府小灘鎮省

運兌糧河道淤塞宜於元城館陶二縣增置主簿

二員專司疏濬萬歷中移於回龍鎮後移小灘萬

歷九年巡倉御史顧萬行條議水次三事一謂小  
灘水次因河南糧戶賫銀至彼買米致奸棍營求  
包攬插扣不堪宜行禁戢

二事見憲宗神  
宗兩朝實錄

本朝康熙三十五年河南巡撫李國亮題請移兌衛輝  
府水次三十七年任城等八衛運丁張文安等呈  
言漕糧盤剥銀兩未交水次改遷衛輝府不惟路  
遠千里更有崎嶇山河盤剥過溜加倍苦累請將  
水次仍改小灘戶部議覆照舊改運路途近便從

之見河南治河檣米則小灘鎮舊爲豫直二省漕運之要

區置船濟渡島可已也

孔橋在清河縣運河東岸今廢

陳家橋在故城縣老黃河

故城縣志在縣西南一里餘相傳竇建德建都河

間時建橋濟兵於正隆間重修今廢

河橋在故城縣老黃河

故城縣志在縣西南元世祖駐兵回龍廟集舟爲

橋以濟軍因名

白橋在運河西岸卽故城舊縣治所也

唐書地理志隋於舊廣川縣東八十里置新縣尋改長河爲水所壞唐元和四年移就白橋於永濟河西岸置縣

安陵橋舊名曰社橋又名白社橋亦曰白橋在景州東十七里衛河西岸安陵廢縣界

謹案萬輿紀要白橋跨永濟河上唐元和十三年



節度使程權奉詔討成德帥王承宗軍於長河承  
宗遣兵入東光斷白橋權不能禦引還滄州舊志  
縣西四里爲永濟渠上有橋當自縣通弓高之路  
東光縣志亦載安陵橋云唐李頎有故人斗酒安  
陵橋之句蓋境相接也是橋原無柏社橋一統志  
作白社橋白橋在唐時已有之則柏或爲白之訛  
而柏社不興遂又以爲白社也

吳家橋

吳橋縣志城外大河南岸世傳有吳家橋橋畔有甘泉

避雪店橋在吳橋縣西南四十里老黃河架木長五丈寬一丈高八尺乾隆二十二年建

張教橋在吳橋縣東北十二里老黃河架木長七丈五尺寬一丈二尺高九尺乾隆二十三年建

溝店橋在吳橋縣東北二十四里老黃河架木長十丈寬一丈四尺高一丈

乾石橋在吳橋縣城內

吳橋縣志乾石字義未詳在城內縣治十字大街  
西范公祠東古堤斷岸巍然尚存疑卽吳橋故址  
也

長河橋在吳橋縣城東南一里許舊黃河所經也鄉  
民何謹建

大隄口橋在吳橋縣南八里古鈎盤河架木長十二  
丈六尺寬一丈六尺高九尺乾隆二十一年建

龐家莊橋在大隄口橋西架木長十二丈六尺寬一丈六尺高九尺乾隆二十二年建

娘娘廟橋在大隄口橋東架木長八丈五尺寬一丈七尺高八尺乾隆十八年建

張太路橋木橋在吳橋縣北四十里宣惠河

安陵渡十五里渡連鎮渡俱在吳橋縣境俱運河渡  
蕭家莊橋在南皮縣東南七十里架木爲之乾隆二十三年建

會川橋在南皮縣南門西

穆家橋在南皮縣城北

門家橋在南皮縣境

謹案南皮縣志四圍皆水爲古黃河所經由方輿  
紀要縣西門外有廢胡蘇河縣東南數里有廢王  
奔河志云城北有古太史河畿輔通志云南皮縣  
有古九河故道渠岸尚存徒駭在西北太史在古  
皮城南馬頰河在城東覆釜在東南胡蘇在西城

下簡潔在城西鈎盤在西北鬲津在東南其一則河之經流也此說殆不可信九河豈在區區一縣之間是也

砥柱橋在南皮縣東南十里之砥柱鎮

張二橋

謹案南皮縣志封鉅炎帝之後生於渤海爲黃帝師其居名封臺在張二橋東考漢書古今人表上中封鉅黃帝師志以封臺爲封鉅之居未知何據

卷之六  
且張二又屬何人誕妄不足信也又會川穆家砥柱張二四橋今皆堙廢矣

刁家橋在南皮縣東南刁公樓南下與山東樂陵縣分水架木爲之乾隆二十九年重建

以上七橋皆老黃河橋

夏口渡卽下口渡在東光縣境

謹案夏口鎮衛河商民輻湊往來要津渡昉二前明置義田六十九畝爲修船養夫之資有乾隆二

年碑記

泊頭鎮渡在南皮縣境運河

〔南皮縣志〕萬曆二十二年知縣李正華造舟濟渡  
天啓元年泊人有張燒餅者見舟日損壞竭力自  
造遠近義之

萬花橋在南皮縣之半壁店跨永濟河上

黃家鎮橋自吳橋縣東入寧津縣境是爲黃家橋東  
北五里爲李家橋又東北六里爲尚家橋又東北六



里爲何家橋又東北五里爲王家橋又東北十五里爲商家橋俱木橋乾隆十四年修長七丈至十二丈寬一丈至一丈五六尺高八尺至一丈不等

畿輔通志王家口橋在寧津縣西二十里又有宋家口紀家口李家口劉家口四橋俱在縣西三十里

沈家橋在商家橋東北二十五里橋凡六空南屬寧津北屬南皮界址交錯乾隆二十三年爲水所冲一

縣合修甃石爲之

以上諸橋皆老黃河

土橋

畿輔通志在寧津縣南十五里

謹案此橋在土河之上因河以名之

普惠橋一名崔家口橋在鹽山東南五十里之崔家口西里許架木長八尺寬一丈五尺高一丈康熙七  
年建乾隆二十三年修

毛家橋在崔家口東五里架木長十二丈寬一丈八尺高一丈乾隆二十三年重修

以上二橋皆馬頰河橋

韓家橋木橋在鹽山縣西南十里

大王鋪橋在韓家橋南五里直鹽山縣南十里甃石長九丈寬一丈三尺高一丈乾隆四年建以通山東登萊兩入京往來之道

黃家莊橋木橋在鹽山縣東三十里乾隆五年建

高家灣橋木橋在黃家莊橋東南十里長九尺寬一丈五尺高一丈九空乾隆二十五年建

以上宣惠河橋

程村橋在鹽山縣西北三十里明白窪之水自西而東橋跨其上

歲甘橋本名東通濟橋一名大橋在慶雲縣東關之南架木長十丈五尺寬一丈七尺高九尺乾隆二十二年重修易今名

慶雲縣志 通濟橋在迎春門之南鬲津胡蘇馬頰  
合流於此

方來橋本名西通濟橋一名小橋在慶雲縣西關之  
南長十丈寬一丈七尺高九尺乾隆二十二年重修  
易今名

謹案畿輔通志慶雲縣通濟橋有二一曰大橋在  
縣城東關南鬲津馬頰之會一曰小橋在西關南  
胡蘇鬲津之會今考老黃河卽志所稱鬲津河胡

蘇鈞盤二河皆會之逼近城隍馬頰河亦曰獻河  
又名陷河自山東樂陵縣界入縣西南三十里東  
流在老黃河之南下入山東海豐縣不逕縣城通  
志與縣志所云皆不合

紀王橋在慶雲縣西南三十里磚石爲脚排木爲頂  
東十里爲任家莊橋今廢

月陽橋在慶雲縣東南二十二里板達營任家橋東  
八里磚石爲脚排木爲頂又東五里爲唐家橋今廢

跨虹橋木橋亦名唐家橋在月陽橋東八里

聚園橋木橋在唐家橋東北六里

謹案方輿紀要慶雲縣有聚園店橋長里許跨故河上又有南家橋在慶雲縣東三十里亦跨故河上今南家橋無可考故河卽馬頰也以上四橋俱乾隆二十三年重修

蔣家橋在慶雲縣東四十里與山東海豐縣境接界謹案此橋與任家莊橋唐家莊橋通志縣志俱失

載

黑牛王莊橋在慶雲縣西北十餘里牛王莊塋上

以上皆馬頰河橋

騎鯨橋一名西市橋在滄州西運河上金大定中建  
以便東路往來元人復廣金隄水勢加峻遂致坍塌  
方輿紀要衛河在州城西西市橋跨其上

楊家橋石橋在滄州東南三十里

馮虹橋石橋在滄州東南四十里之舊州城東與楊



家橋俱在石碑河

〔謹案〕滄州境內石碑河上尚有李家橋流口橋道  
安橋韓家橋呂家小橋瓦沽壘橋皆民建茲不備  
載

蓮池渡在滄州城南卽南關渡南北通津也

磚河渡亦名捷地渡渡口有驛

捷地橋在滄州南減河上

三官廟橋在捷地橋東三里

茶棚橋在三官廟東北十里

風化店橋在茶棚橋東北十里

小吳家莊橋在風化店橋東三十里

後吳家莊橋在小吳家莊橋東北五里

官莊橋在後吳家莊橋東北十里

良口橋在官莊橋東北三里

呂家橋在良口橋東北十里

鈔關浮橋在天津縣北門外去城半里而近康熙五

十九年建

鹽關浮橋在天津縣東門外去城半里而近雍正八年建

安西橋

天津府志在衛安門外宏治八年建

鴻溝橋

天津府志在城西北十步景泰三年建

仙橋

天津府志在北門外河北離城二里順治十一年  
建因無轍迹故名仙橋

萊市口渡畝花廟渡棗市口渡廠門口渡火神廟渡  
龍門口渡朱家口渡戴家園渡小聖廟渡銀子窪渡  
口俱在滄州境

興濟渡古名范家橋渡在青縣東南三十里興濟鎮  
設舡一

九域志范橋在乾寧軍南三十里 方輿紀要興

濟縣北有范橋渡南衛河津口縣名興濟以此

木橋卽興濟閘橋一名馬有功橋在興濟北三里跨  
北減水河上架木長八丈四尺寬一丈五尺高一丈  
三尺雍正九年建乾隆十五年重修

小木橋又名打虎莊橋在興濟橋東北十五里乾隆  
十七年建

乾符橋在滄州東北八十里乾符城南在打虎莊橋  
東北二十里

同居橋在乾符橋東北十里

楊柳青渡在天津縣西北四十里

一統志楊柳青渡在靜海縣北四十五里東去天津四十餘里卽古柳口也自此渡上韓家樹抵京師比天津差近

北馬頭渡在天津縣北河上康熙五十五年改爲浮橋

大直沽渡在天津縣東南一里

西沽渡在天津城城北三里康熙五十四年改爲浮橋

謹案西沽渡亦通海河爲北運河之下尾

真武廟渡在天津縣城東北隅

寶舡渡

一統志在天津縣東南五里明初命官往西域於此泊舟

寇家口渡

方輿紀要在天津衛東南十五里

雙塘渡

方輿紀要在天津衛南十里

東關渡蔡家莊渡流河渡趙家窪渡皆在青縣境東  
關渡船三蔡家莊渡船一趙家窪渡船一流河渡船  
一皆民間義渡

在城渡在靜海縣城西有二一在十字街口一在真  
武廟口



雙塘村渡在靜海縣南十五里

方紀興要渡當南北通衢

碾垞嘴渡辛口村渡沙窩村渡岳家園渡獨流鎮渡  
劉家營渡北五里莊渡河灘鎮渡長屯渡陳官屯渡  
釣臺村渡高官屯渡胡家新莊渡趙家窪渡康官屯  
渡俱在靜海縣境

以上南運河橋渡

謹案諸渡俱見天津府志釣臺在城西十里靜海

縣志謂太公剛棘津釣於此非也此殆魏文帝游  
宴時所得名當與射雉讌友臺相類

鹽水沽橋在天津縣東南五十里之鹽水沽架木跨  
海河疊道上乾隆二十八年建

畿輔安瀾志

衛河卷七

修治

金史河渠志世宗大定四年十月上出近郊見運河  
湮塞召問其故主者曰戶部不爲經畫所致上召戶  
部侍郎曹望之責曰有河不加濬使百姓陸運罪在  
汝等朕不欲加罪宜悉力使漕運通也五年正月尚

書省奏調大數萬上曰方春不可勞民令官籍監戶  
東官親王人從及五百里內軍夫濬治

元史河渠志世祖至元二年都水監言運河二千餘  
里漕公私貨物爲利甚大自兵興以來失於修治清  
州之南景州以北頽缺岸口三十餘處淤塞河流十  
五里至癸巳年朝廷役夫四千修築濬滌乃復行舟  
今又三十餘年無官主領滄州地分水面高於平地  
全藉堤堰防護議以瀕河州縣佐貳之官兼洩防事

於各地方巡視如有關破卽率衆修治仍禁開圃之家無穿隄作井栽樹取土七年省臣言御河水泛武清縣計疏濬役夫一千工八十日可畢至大元年六月左翼屯田萬戶府呈五月十八日申時水決會川縣孫家口岸約三十餘步南流灌本營屯田已移文河間路武清縣清州有司多發丁夫管令修治延祐三年七月滄州言清池縣居民告往年景州吳橋諸處御河水溢冲決隄岸萬戶千奴爲恐傷淇屯田差

軍築塞舊洩水郎兒口散水無所洩迄遣官疏開引  
水入海及七月四日決吳橋縣柳斜口東岸三十餘  
步牛戶移僧又遣軍開塞郎兒口水壅不得洩必致  
漂蕩張管許河孟村三十餘村黍稷廬舍故本洲摘  
官相視移文約會不從四年五月都水監遣官與河  
間路相視元塞郎兒口東西長二十五步南北闊二  
十丈及隄南高一丈四尺北高三丈餘復按視郎兒  
口下流故河至滄州約三十餘里上下古跡寬濶乃

水減故道名曰盤河今爲開闢郎兒口增濬故河決  
積水由滄州城北達滹沱河以入於海泰定元年九  
月二十八日興工十月二日工畢 揭傒斯都水監  
記畧會通河成之四年始建都水分建於東阿之景  
德鎮掌凡河渠壩閘之政令以通朝貢漕天下實京  
師地高平則水疾泄故爲塢以蓄之水積則立機引  
繩以挽其舟之上下謂之壩地下迤則水疾涸故爲  
防以節之水溢則縋起懸板以通其舟之往來謂之

閘皆置吏以司其飛輓啓閉之節而聽其訟獄焉雨潦將降則命債土囊具畚鍤以備奔軼衝射水將涸則發徒以導淤滯塞奔潰時則巡河周視以察其用命不用命而賞罰之故監之責重以煩焉

謹案至元時會通水開歲漕江淮至封邱陸運一百八十里至淇門入御河故治河之役多在清滄間也都水監所云運河二千餘里蓋兼衛河言之先是宋人嘗用之以輸邊矣宋金所用卽紀要所



謂用衛河之全右也會通河成而江淮之漕由淮  
泗會汶水以達青滄抵通州乃用衛河之半

宋史河渠志神宗熙寧二年九月劉彝程昉言二股  
河北流今已閉塞然御河水由冀州下流尚當疏導  
以絕河患議開烏欄隄東北至大小流港橫絕黃河  
入五股河復故道詔調鎮趙邢深磁相州兵夫六萬  
濬之以寒食後入役三年正月韓琦言妨農務詔就  
寒食前入役仍相度最遠州縣量減差夫而輟修塘

隄夫兵千人代其役二月琦又奏御河漕運通流不  
宜減大河夫役於是上令樞密院調兵三千并都水  
監卒二千又益發北城兵三千仍詔程昉等促迫工  
限六月河成八年昉與劉璿言衛州沙河湮沒宜自  
王供埽開濬引大河水注之御河以通江淮漕運仍  
置斗門以時啓閉九月十月安撫使文彥博覆實言  
有害無利枉費工料極多更當選擇其人不當使狂  
妄輩橫費生民膏血已而都水監言運河乞置雙牕

例放舟舡實便與彥博所言不同十二月知制誥熊  
本奏臣博采衆論究極利病咸以爲葺故隄堰新口  
存新隄而勿治庶可以消淤澱決溢之患而省無窮  
之費萬一他日欲由此河轉粟塞下則暫開亟止或  
可紆飛輓之勞未幾河果決衛州是時每有一議朝  
廷輒下水官相度或作或輟迄莫能定大抵自小異  
埽決大河北流御河數爲漲水所冒亦或湮沒哲宗  
紹聖元年四月河北都轉運使吳安持始奏大河東

流御河復出詔委前都水丞李仲提舉開導徽宗崇寧元年冬開臨清壩子口詔增修御河西隄置斗門決北京恩冀滄州永靜軍積水入御河枯渠明年秋黃河漲入御河流浸大名府館陶縣敗廬舍正和五年詔於恩州增修御河東隄爲治水隄防令京西路差借來年分溝河夫千人赴役於是都水使者孟揆移撥十八埽官兵分地步修築又取棗強埽水口以下舊隄所管榆柳爲樁木

明實錄太宗永樂十年十二月修靜海至青縣河隄  
十一年二月修河間府水決隄岸十五年五月遣官  
巡視北京通州至儀真河道宣宗宣德三年六月命  
劉觀巡視河道正統四年十月河間府青縣請築衛  
河隄岸從之代宗景泰元年十二月工部奏通州抵  
徐州運河一帶皆淤塞不通恐防漕運通州等處宜  
遣在京大臣一員提督疏濬詔令都察院擇御史廉  
能者一人往理之三年九月山東右叅議劉整奏臣

同僉事王琬專理河道北抵河間之吳橋南至徐州之沛縣道路一千餘里開壩四十餘座乞敕吏部於臨河州縣各添設官一員專理河道仍賜臣敕是督修理從之憲宗成化二年十二月命御史一員提督通州迤南抵臨清及衛輝一帶河道五年三月工部奏自通州抵天津衛河道淤塞其自天津以南直抵揚州一帶河道亦有淤淺宜敕總督等員通行疏通以便漕運從之六年巡按直隸御史張訥奏請築靜

海以南臨清以北一帶河口之被水衝塌者從之十三年七月管理河道工部郎中楊恭奏六月以來久雨水溢運河東西岸衝決甚多乞撥京營官兵修築仍命文武大臣董之章下工部議移文都督同知陳達同楊恭於通州直隸天津等衛近處量起軍夫三千名順天府沿河州縣起民夫一千名相兼提淺人夫并工修築并行戶部每名給與行糧仍令督工官盡心提督從之二十一年正月詔修河失月給米八

三斗遣工部左侍郎杜謙自通州抵淮揚督修武宗  
正德十二年八月巡按直隸御史吳閻言長蘆濟寧  
諸處沿河夫役本以備疏濬修築之用及至冬月寒  
凍不用其力乃徵椿旱銀其法未爲不善乞令沿河  
夫役量留三分聽用冬月仍徵椿草銀七分官收其  
直管河副使以時督令所屬收買傭工從之世宗嘉  
靖八年河決朱家墳時運河爲決河所阻費公私數  
萬金旁開小河方得抵通十年八月滄州南花園漕



河淤阻戶科給事中蔡經劾奏都御史李紱奪紱并  
管河郎中俸有差九月滄州等處河隄工成穆宗隆  
慶三年十二月總理河道都御史翁大立言治河之  
役工部議覆吳橋縣衝決朱官屯交河縣衝決徐家  
馬頭等處青縣衝決盤古口等處與滄景二州南皮  
靜海二縣及天津衛堤屬天津兵備道同北河郎中  
經理從之熹宗泰昌元年十二月工部覆總理河道  
侍郎王佐疏言此河通漕專藉衛水然上源未暢則

下流必壅今漳河已徙衛流已塞獨有挽漳引沁開  
丹三策而已顧漳水東下之處勢竟及泉挑浚難施  
未易挽也若沁水之開新汲一帶地方郵置相連廬  
舍燭次必闢渠以受沁此地不爲邱墟乎丹水瀦溢  
雖勢與沁同然丹口旣濶則修武而下皆成安流此  
開丹之議無容再計者其條列展河砌閘築堰平租  
永禁僱役動支經費各款可垂永利惟是河徙不常  
開丹不無再阻則挽漳引沁不妨並存其議而明史

河渠志初永樂元年藩陽軍士唐順言衛河抵直沽入海置倉厥受南運糧餉至衛河交運公私兩便乃命廷臣議未行其冬命都督陳俊運淮安儀真倉糧百五十萬石赴陽武由衛河轉輸北京五年自臨清抵渡口驛決隄七處塞之後宋禮開會通河衛河與之合時方數決隄岸遂命禮并治之

本朝康熙二十九年十一月總河王新命丹衛河道情形奏畧竊照臨清以北一帶運河每歲經臨厯多淺

阻因考有河南小丹河可以通流於衛濟運曾經題  
明親往看驗在案臣於十月初七由白清江浦起行  
循河而至河南懷慶府河內縣細閱丹河發源太行  
山至丹河口分渠九道大丹一河首歸懷慶沁河其  
餘六渠民間引水種竹溉地約計一千四百餘頃止  
小丹河上秦河三渠灌溉所餘之水涓流入衛臣仰

體

皇上漕運民田均關緊要之至意諭令所在紳士耆民於每

歲三月間用竹絡裝石橫塞八河渠使水歸小丹河  
入衛以濟漕留涓涓之水以溉地至五月盡重運道  
完則開八河渠用竹絡裝石塞小丹河口以防山水  
漫溢士民咸稱爲便其小丹河經修武獲嘉以達合  
河鎮之處若有淺阻責令印河各官量爲疏濬至輝  
縣捌刀泉在縣西北五里蘇門山下清水一泓約二  
十餘畝民間設立四閘蓄水灌田約三百頃往例於  
五月初一日封板放水濟運惟五月正當農人需水

之時未免有妨農務臣親行看驗封板始可通渠溝  
田啟版則泉流直瀉各渠立涸應亦用竹絡裝石量  
渠中之高下堵塞使各渠之水常盈而所餘之水晝  
夜常流以濟運其萬金渠出自彰德安陽縣西南六  
十里善應村山下約二十餘里至高平村昔人建閘  
開渠引水灌彰德府東西南三面地約計百頃仍由  
彰德府東北五里許入安陽河其腰二門閘門高不  
過三尺寬不過一丈臣親行看驗一啓板渠即斷流

未免有妨農務亦應照五閘之法用竹絡裝石塞閘  
通渠漕民兩便再令重運不由黃河俱由中河以上  
較昔甚早五月封板之議相應停止

雍正四年怡賢親王敬陳水利奏畧查滄州之南有  
磚河青縣之南有興濟河乃昔年分減衛水之故道  
也今河形宛然閘石現存應請照舊疏通於往時建  
閘之處築減水壩以瀉河之漲又靜海之權家口潰  
隄數丈冲溜成溝直接寬河東趨白塘口入海口亦

應就現在河形逐段開疏於決口築壩減水均於運道有益白塘口入海之處舊有石閘二座碑河興濟二河之委應開直河一道歸併白塘出口澇則開閘放水不惟可殺運河之漲而河東一帶積澇亦得藉以消洩至沿河一帶隄工大半低薄應飭及時修築高厚仍飭令總督將玩忽河官叅處以警將來此治衛河之大畧也

乾隆二年直隸總督李衛總河劉于義奏畧滄州捷



地青縣興濟二減河從前挑挖甚淺隄埝僅止虛土堆貯並未夯礮歷經汎水雨淋河身日漸淤塞隄埝漸次殘缺又兼石閘簸箕入身短促汎水過壩不足抵禦建甌之勢現將灰土簸箕冲掀成坑請將滄州捷地減河自壩口起至劉三家莊以東止計長一百七里零全行挑挖兩岸隄埝間有無可接築者依舊接築其逼近河身之處應行展寬至風化店以下至劉三家莊以東隄工則應各展寬五丈另行修築青

縣興濟減河惟蔡家莊大陂口一帶河身淤淺急需挑挖又滄青兩處石閘應接築石海漫身八丈灰土簸箕入深八丈再按建攔水八字金墻務使出入直導正流亘洩無滯

乾隆五年直隸總督孫嘉淦總河顧琮奏畧青滄減河之水均以岐口海河爲歸宿惟減河尾閘以下岐口以上中間窪泊相連離海河立三十里不等連年以來已將兩河尾淤成高阜河水至此不能驟歸岐

口海河原有二支一支南向爲南河頭一支西向爲西河頭又有旁支斜向西南西河正支緊與興濟減河尾相對旁支緊與捷地河尾相對誠爲兩減河天然歸海之尾閘請將捷地減河自劉三家莊以東由船到溝開通二百四十丈會於陳河燒車網地歸母豬港又由李金溝開通一百丈通大溝窪張彥家溝流入長港再將西河頭之旁支四百九十丈展挖寬深上接長港下接李連賓家口則捷地減河之水可

以直達岐口海河與濟減河從老隄頭開挖一河長  
一千六百八十丈經沈家塘李連賓家口接於西河  
頭之正支則二河尾均於李連賓家口會合通流值  
接歧口海河可無阻塞之患

乾隆十年署總河劉于義直隸總督高斌初次水利  
工程奏畧一南運河捷地汎宜改挑引河以免減壩  
分溜過多之患也查滄州運河東岸捷地汎於雍正  
四年建設減河石壩五空因河勢挑灣減壩分洩太

多以致下游屢有漫溢之患嗣後堵塞二孔近復堵  
塞三孔僅留二孔過水不獲分減之益而汎水漲發  
之時石壩迎溜頂衝雁翅埽工俱防受險應於減壩  
對岸挑開引河一道長一百二十丈面寬九丈底寬  
四丈深一丈一尺至二丈二尺不等將西隄展寬卽  
用挑河之土接築西隄長六十二丈頂寬二丈底寬  
五丈高五尺則河勢截灣取直順軌安流而減河受  
迴溜分減之益壩工可以化險爲平

乾隆十一年署總河劉于義直隸總督高斌續勘三  
次水利各工奏畧一慶雲縣通縣濇水俱賴馬頰河  
宣洩馬頰河由山東樂陵至慶雲之杜家莊入境由  
蔣家橋與山東海豐縣交界之處出境繞歸大巨河  
入海長一百七十餘里現在淤塞請於與山東樂陵  
海豐交界之處并大巨河入海河道開挖寬深以資  
宣洩一慶雲縣城北海子王家窪去城甚近地處低  
窪一遇雨水驟集無可宣洩不得耕種請從趙魁斗

莊歷高橋等處開渠一道引水入老黃河以爲歸宿  
并於窪中築埧添設涵洞一座以防黃河倒漾一處  
雲縣西南高墓臺窪三面俱係高阜瀝水灌注沿窪  
村莊俱受其累前經居民掘溝引水由開家河滙入  
老黃河頗有利益後因民力不能深濬未久淤塞應  
照舊挑挖深通以除積滯使民得以耕種一鹽山縣  
東之明白窪周圍數十里地勢卑下西北各窪諸水  
俱滙集於此無路官洩窪中地畝五百餘頃俱致淹

沒不能耕種應由釣魚臺程村橋起通至宣惠河俾得歸老黃河以資宣洩一瞻山縣之宣惠河從前挑挖河身尚淺應再行加挑寬深務期通縣會流潞水悉歸老黃河以免積滯

乾隆十二年三次水利工程奏畧天津城南一帶地廣數十里東界海河地勢低窪乾隆五年於疏通積水案內在城東南四十里之白塘口村西開引河一道長二十六里由三合莊至藥王廟通波水窪及南



十五里許於鹹水沽起西至秋漢港開挑引河一道長二十七里俱以宣洩滙水數年以來漸次淤淺且民田荒蕪旱潦無時乾隆八年天津道陶正仲請自天津護城河起由八里臺東至佟家樓開渠一道接連賀家口舊有引河藉城東南隅之海河閘以通潮汐附近居民田畝水旱皆得播種但縣南地勢遼濶新開之渠未能遠及今淤新渠之南由凌家口西南至陳家莊開渠一道通至波水窪又自凌家口東南

由梨園頭東大任家莊復西南折至藥王廟開渠一道入白塘之舊引河亦通至波水津又自大任家莊北由柳淀窪至何家圈開渠一道達於海河復自何家圈南之官莊東西開渠一道至李七莊逕凌家口亦通至波水津約共周圍一百餘里再將白塘口城水沽賀家口舊引河三道於淤淺處一律疏通賀家口何家圈地方各建磚閘一座以通潮汐以司啓閉並於各村莊穿道開河處建大小木橋六座則津城

南鄉有此數渠灌溉又有大淀柳淀波水等窪以爲  
停蓄荒蕪之地俱可耕植旱潦均得有備矣又於蘆  
北口村東渠口向南接挑河渠一道由小孫家莊東  
歷黃花泊南經大侯家莊小金莊大韓家莊王家臺  
復東北折至巨各莊仍與津邑新渠匯長三十九里  
餘復至津邑蘆北口西經靜邑波水窪至青寧侯莊  
東窪止開挖長七里餘則靜邑迤東一帶村莊瀝水  
俱有去路而支分派引灌溉汲引與津邑城南同其

美利又竊查天津府屬之滄州地勢最爲窪下爲德州吳橋東光南皮瀝水滙歸之所向來滄州東南以宣惠河爲宣洩滄州西北以石磚河爲宣洩直達歸海年久淤塞每逢雨潦易致泛溢必須挑濬深通暢洩積水數邑村莊方免淹漫之患查宣惠河應自東光南皮交界之孫家墩起至滄州鹽山交界之燕子窪止計長六十餘里於河底抽挑子河面寬三丈五尺底寬一丈七八尺深二尺至六尺五寸不等石碑河

應自滄州蔡家窪起至北減河尾會流處止計長六十餘里挑面寬四丈五尺底寬二丈五尺深三尺至六尺不等俾滄州等邑漑水循軌暢流入海永除水患又慶雲縣城北趙魁斗莊至王可忠莊一帶低窪停水今開渠一道渠尾分導入老黃河共長一千九百九十六丈寬三丈五尺深自三尺至七尺不等但渠身較河底僅高四尺許酌於渠口建兩涵洞以時啓閉可免河水倒灌之患又慶雲西南有高墓臺窪

瀝水灌注形勢如金底今挑引河長一千一百丈導  
水由閘家河歸入老黃河俾沿河村莊俱可種植又  
乾隆五年直隸疏消積水案內慶雲開有溝渠十六  
道以洩四鄉瀝水今已淤墊者六處均挑寬一丈五  
尺深三尺以復其舊又鹽山之宣惠河舊開寬十餘  
丈深二三尺究未深通今自燕子口窪起至海豐界  
止長一萬二千七百餘丈於河中抽挑子河一道均  
深三尺又自海豐界起至通入老黃河口止長一千

一百七十丈向無河形亦一律接挑子河以暢歸宿  
又鹽山縣東之明白窪周數十餘里合營棚翟家等  
窪爲漑水滙聚之區民田五百餘頃一遇雨水稍多  
卽廢耕種今界窪地之中由程村橋起開挖四千四  
百二十一丈寬三丈五尺深自二尺五寸至六尺五  
寸不等導水歸入宣惠河則積潦之患永除矣

乾隆二十三年直隸總督方觀承山東巡撫阿爾泰  
會奏畧查四女寺壩工母畧再行落低迤北哨馬營

石壩面寬三十丈減河通暢足資宣洩又哨馬營壩外引河並歸入老黃河河頭處所淤淺均應挑濬直隸自吳橋縣交界之嚴家莊起至玉泉莊老黃河長四十餘里應與東省一律加挑面寬四丈底寬二丈深三尺至六七尺又南皮縣境內馮家口淤灘長四十丈應抽挑子河漕一道底面折寬二丈深三尺又自霍家園起至姚家口并下淤一帶水勢散漫已無河身共應挑二千一百餘丈面寬八丈底寬四丈深



二三尺并將各支流堵築使水勢直趨以收用水收沙之益

謹案老黃河自雍正四年建四女寺壩乾隆十三年建哨馬營壩開挑引河分洩運河汎漲明年修濬下游入海於河底挑槽一道面寬三丈一十三年復動帑挑河心面寬八丈底寬四丈深一尺五寸至五尺五寸不等嗣後春融修治通流無阻所有南皮縣與寧津鹽山慶雲三縣分界之處南

樂陵縣第一段接寧津縣馮家河至沈家橋復入寧  
津縣長三千四百五十五丈第二段接寧津縣界自  
刁家樓東至菓子趙家莊西仍入寧津縣長三千  
六百九十一丈五尺第三段接寧津縣界自菓子  
趙家莊東入永省樂陵縣界長六十六丈第四段  
接樂陵縣界自刁公樓莊前起至金回子莊前復  
入樂陵縣界長一百七十五丈第五段仍接樂陵  
縣界自張家窩至大李家庄西入鹽山縣界長四

百八十五丈第六段鹽山縣接界自大李家莊至  
韓沙周家莊入鹽山縣界長四百一十五丈鹽山  
縣第一段接南皮縣界仍入南皮縣長三十丈第  
二段接南皮縣入樂陵縣界長一里有奇第三段  
至第六段俱樂陵縣界共長八里有奇第七段接  
樂陵縣入慶雲縣界長二里有奇第八段接慶雲  
縣界仍入慶雲縣界長十五里有奇總計自南皮  
縣菓子趙家莊至鹽山黃梅莊止長十七里內南

皮縣分屬二段約長六里有奇鹽山縣分屬五段約長十里山東樂陵縣分屬八段約長五十三里有奇

乾隆二十八年工部尚書阿桂戶部侍郎裘曰修直隸總督方觀承會奏畧南運河合漳衛諸水由德州入直隸境至天津歸海濁流兼遇盛漲全恃另路分疏之力上游山東之德州哨馬營恩縣之四女寺兩減水壩實有釜底抽薪之益四女寺石壩應大加展

寬業經行文東省應俟會勘確估具奏其壩口減下  
之水皆由直隸之老黃河達海查河身本屬寬廣舊  
於河底抽槽以導其就下之路今壩展寬河槽更須  
開挖深通俾得暢注在直隸吳橋寧津南皮鹽山慶  
雲五縣境內除無庸挑挖者四段共長六十里外計  
應挑面寬六丈底寬四丈深三四五尺不等共長一  
百六十六里零其隄岸間有缺口處並應補築約估  
需銀三萬九千七百五十一兩零

乾隆三十八年水利工程奏摺查運河之東有官惠  
石碑二河皆以分銷吳橋等津東光南皮滄州鹽山  
各州縣漕水官惠河由新集入老黃河恒三百八十  
二里零石碑河由母豬港與提地減河會恒一百五  
十餘里零均應加挑一律深通官惠河估挑面寬六  
丈底寬四丈深四五尺不等內金沙港地勢高亢挑  
深八九尺者計長一百二十丈石碑河估挑面寬五  
丈底寬三丈深三四五尺不等其挑面寬五

謹案宣惠河水古黃河之支流入滄州西南境爲  
王莽河下流爲石碑河宣惠河者總督孫嘉淦之  
所定名也乾隆五年於劉蝦蟆莊南改挑河身始  
由靳河歸入胡蘇復歸沙河又由馬頰導之使東  
引入南皮遂爲新渠今自冷飯店西至范家莊東  
正卽以河中淤土置北岸疊成高埝長五里五分  
爲滄南保障歷年加倍使河流循軌藉以宣洩每  
歲春融時節勸民力修濬蓋自五年開濬後至十

年二十八年兩經濟治矣二十九年水利案內亦  
議開濬石碑河別爲緩工而止清河詳漳水篇

嘉慶九年總督顏檢請兩岸隄工分別加高倍厚奏  
畧竊查南運河受豫省二省漳衛汶泗之水自臨清  
合流至故城入直隸境由天津歸海綿長五百餘里  
上游地勢平行漳衛挾沙而行汶泗清水稍弱每虞  
淺阻自直隸交河南皮等縣以下則地形漸低水勢  
建瓴下注泊岸盈隄惟防漫溢雖將滄州之捷地青



縣之興濟兩處減河分洩盛漲其隄岸要工仍須隨時搶築方保無虞每年例用歲搶修銀三萬兩收弊節偏以禦汎水自嘉慶六年諸河泛溢青縣靜海一帶運河西岸濱臨淀泊又有子牙一河繞其外水勢浩大一線單隄汕刷幾盡而捷地興濟減河亦因河水洶湧宣洩不及多致漫溢淤墊運道所關汎水漲發均宜節節防護必須將運河兩岸擇其緊要工隄培加高厚減河挑濬寬深以資容納防禦除可緩辦

之工程外其亟應修濬工程並故城等處民隄三段民力實難籌辦尙須官爲經理約略估計共需銀九萬餘兩

嘉慶十二年署總督溫承惠查勘東境下游老黃河淤塞工段動項興挑奏畧伏查老黃河一帶自山東恩縣四女寺閘口起係宣洩南運河水勢由德州交界之青演寺後入直隸境歷吳橋寧津南皮鹽山慶雲等縣復由山東之海豐入海水道綿長東境老黃

河以下至吳橋縣交界估挑面寬五丈深五尺直省  
接連下游自應照依交界尺寸一律疏通查自青演  
寺至吳橋縣米家橋河身雖覺平坦河形尚露寬濶  
及至三岔河口上下一帶因係哨馬營減水會歸與  
老黃河合流之區是以停淤更甚量得該處計長一  
千九百餘丈較上游高一尺有餘而迤下則寧津南  
皮各屬情形與吳橋相仿凡兜灣迎溜處所亦多有  
偏淤至鹽山縣李家莊一帶河身間段更形淺窄令

擬開寬一律均以五丈爲率惟落深則可逐段遞減  
因相度地勢之高下核計挑挖之淺深悉心估計共  
需土二十六萬二百六十八方九尺七寸五分計自  
吳橋縣境內老黃河接山東德州交界起共四十八  
里四分九釐計長八千七百二十九丈寧津縣接吳  
橋縣交界起共四十一里三分三釐計長七千四百  
三十九丈八尺南皮縣接寧津縣交界起共三十五  
里八分五釐計長六千四百五十四丈五尺鹽山縣

接南皮縣交界起共三里箇分三釐計長六百五十八丈

謹案天津郡城南諸河乾隆五年十年永利並程  
案內疏濬至二十八年又勦帑重開其河自陳家  
莊起東至凌家口與八里臺引河通接挑南導由  
梨園逾柳淀窪至藥王廟與靜海縣蘆北引河  
通長二十五里有奇面寬三丈深六七尺不等乾  
隆十年開挑二十九年濬又佟家樓北引河西接

八里臺莊引河東入大任莊引河長半屯里面寬  
三丈有奇深五尺至八尺不等又大任莊引河南  
至柳淀窪接凌家口引河東北流會蔡莊引河  
出何家圈闌長十五里有奇面寬三丈至四丈深  
四尺至七尺不等二河俱十年間開挑又白糖泉  
引河自蘆北口泉接引河東北流出南塘口闌長  
三十里有奇面寬三丈深四五尺不等鹹水沽  
引河自巨各莊西南接蘆北口引河東北流出鹹

水沽閘長三十一里有奇面寬三丈深三尺至五尺不等二河俱乾隆五年修濬十年重開二十九年再開統計共引河十道會諸瀝水入於海河又緣蘆北口一帶向爲窪地積水之區開挑引河一道自天津縣藥王廟北接凌家口引河東南導流會青寧侯引河逕蘆北口由小孫莊黃花泊大侯莊大韓家莊交巨各莊會鹹水沽新渠長三十九里有奇面寬三丈五尺底寬一丈七尺深四尺至

六尺不等又清寧侯莊窪起挑河一道逕東引河入蘆北口新渠長七里有奇面寬二丈底寬一丈二尺深三四尺不等每年春涸以時修濬天津道陳宏謀放淤事宜七則一月隄宜堅固可恃也放淤者開隄放水他無所恃所恃者月隄耳新築月隄宜剗去草根先就平地行礮三遍然後鋪土每鋪土一尺行礮兩遍次年再於隄外加幫戢隄然後可以放淤至於舊有之月隄務搜尋獾洞鼠



穴二三填實夯硤堅實於隄外加鉛鐵隄宜將  
舊隄創作數層如礮礮狀新舊土遞相加壓夯硤  
堅實膠粘一片本年卽可放淤蓋月隄必須預年  
所築而戢隄必於本年所幫一以固其根一以閉  
其氣也凡月隄內外皆屬窪下則隄內或編柳或  
釘蘆或掛防風壩由隄外另加戢隄二三丈不等  
總不使水浸月隄之根恐內外滲漏隄身受傷以  
致失事一月隄宜寬長合宜也凡樓隄之外地勢

澤者方可放淤所築月圈須可駁長而可以寬  
先就隄外地勢窪下足衝隄然後從隄之長  
短再就月隄之長短以定月窪之寬窄如有隄長  
五十丈則月窪可寬三十丈月隄長一百丈則月  
窪可寬三十丈就此遞算總期如半月之形不短  
不促則渾水之來方可運送若短促而寬則冰到  
不能運送止於溝口其餘反成坑窟矣然月隄亦  
長亦覺迫促如連有兩小月隄者亦可通聯作一

段放淤如月隄可長又可隔隄作兩段放淤凡圍  
築月隄得就稍高阜處更爲相宜如或地勢全窪  
不能相就亦須於放淤之年應如戩隄外另築寬  
厚半戩以防內外滲陋墊陷一柳草宜預期種植  
也月隄新成三面均宜佈種草子菜子使之生發  
可免雨水冲刷新土月窪之內沿月隄之根每間  
五尺遠種臥柳一叢舊月隄亦復如是待其長成  
如沿堤編籬可以抵禦風浪凡窪內舊有柳樹者

切宜存之以禦風浪凡築新舊月隄均不妨於月  
窪內取土既可就近又可使窪中連有土坑格隄  
則水到易於掛淤不致出險但須離月隄二丈以  
外不可有傷隄根凡築月隄均不可用沙土以防  
水到坍塌一淤溝宜如法鑿砌也下口在河之宜  
深挖務與月窪之底相平引河水徐徐浸入河水  
長一寸則河窪內入水一寸不可使河面稍高於  
窪更不可使溝口稍高於月窪以成建瓴之勢其

寬除用椿料包鑲外中淨存四五尺不等其鑲砌  
用排椿捆埽使密密布列其溝分作兩層下一層  
鑲成淨寬四五尺上一層鑲成淨寬六七尺由下  
而上遞相開展上口在河之上流者不宜太深視河水之  
來如濁漳之水先來則可深挖使其及早受淤如  
衛汶之清水先來則不妨遲開其寬悉照下口再  
上溝下溝清渾出入日久易於坍塌均宜鑲護完  
固萬一月隄稍有損動止須用上下溝用埽堵塞

亦不爲害。上下口宜就地取裁也。下口宜開深者，所以使河水早入窪內，澄清以待上口。渾水之至，上口宜淺開者，所以使窪內澄有清水，然後渾水急溜而入。一見清水，其性便沈，其勢便緩。下口宜於順溜之處，俾河水浸淫而入。將來出清可以隨溜而出。上口宜於迎溜之處，全借渾水暢流而入，方可運送窪內之清水暢流而出。倘上口限於地勢，不得迎溜之處，宜將溝口上唇縮進五尺引。

之使入再將溝口下唇接長四五尺如吞水小壩  
逼之使入則亦可以迎溜矣下口限於地勢不得  
順溜之處宜將溝口上唇接出三四尺勢如挑水  
小壩以避大河之逆溜壅阻淤溝口下唇稍縮二  
三尺以引清水之遠出則亦可以順溜矣上口地  
勢更宜詳勘外則迎大河之溜內則順月隄之勢  
不宜直射月隄之根上溝宜斜向而入方可迎溜  
下溝宜斜向而出方可順流二溝合看須如八字

形方好一上下溝宜隨時增添也初時月窪尚深  
根底未固上下只開一溝迨上溝入水之後月窪  
已經淤有根基月隄又已見水然後相其出入之  
勢再開一二口大凡下口出水不順必由上入口  
水不暢不能運送之故則不妨多開上口如上口  
入水已暢而下口出水不順必由不能順大河之  
溜反爲大河之急溜所阻宜另擇順溜之處再開  
下口總期上下一律順暢入渾出清全窪運動不



滯便可源源積淤如月窪內上半段先已淤高則  
渾水不能及下半段無渾水之來則亦無清水之  
出下半段終不能淤矣宜就下半段另開一口使  
之常有渾流之入然後下半段亦可受淤至於月  
隄兩頭如牛角尖形者渾流不到此處積淤必不  
能多俟今年將窪內積淤平滿下年竟將此縷隄  
刨平幾段使河水漫過則可以一抹而平凡本年  
積淤未滿中多坑窟者次年均宜倣此庶可一律

平滿也平滿之後除月隄原高出平地二尺堵  
毋庸增築外如月隄止與淤積之地相等則宜於  
月隄上加築子埝一二尺以作遙隄向後聽其年  
年平漫而過卽河水出槽亦可無患但不肯於臨  
河築埝使水不得平漫將來又成險工則沿河淤  
平之土及河灘寬岸均宜加倍離遠之老隄老埝  
不宜臨河疊埝使河水不得平漫又成險工一步  
料燈火宜預備也放淤如禦寇不恃其不來恃吾

有以備之也凡樁埽葦片繩麻鉄鍋之類均宜預備以防意外之虞窩舖兵夫先期派定燈燭火把先期齊備日則填補小溝釘掛防風埽樁夜則輪流看守遇風雨之夕尤宜常川巡視一有損動鳴鑼爲號衆兵夫一齊搶護違者重究凡屬淤工專員看守以專責成隨時經理以收實效事竣官兵一體優獎以示鼓勵 又南運河修防事宜三則南運一河自全漳濟運以來一派渾流洶湧奔赴

雖免阻淺之虞時有漫溢之患其漫決者皆係頂  
冲埽灣之處其泛溢者皆係河灘無隄之處是以  
凡歷來頂冲埽灣皆爲險工年年加高培厚俱動  
正項名曰官隄而所加培者尤難十分堅厚臨河  
之舊土日被冲刷則新帮之土益難抵禦因有建  
築草壩鑲砌草工之事草工最易腐朽三年保固  
限滿卽須加鑲修折是以沿河草壩日多帑費日  
繁而工之險者仍險此有隄之患也至於河灘無

隄之處或河岸寬濶或河灣淤嘴旣無患於頂冲  
復未嘗有泛溢倘遇暴漲小民於水到之處築土  
攔禦名曰民埝而此一綫民埝臨時攢築不察形  
勢不加夯砌汛後隨即坍塌在水小之年似可不  
湏此埝若遇大水一片汪洋在在危險此又無隄  
之患也自乾隆二年建築高寬月隄放淤栽柳行  
之節年已將舊有之月隄加帮寬厚放淤成工極  
薄之隄變爲寬厚化險爲平已有成效就此類推

凡屬有隄頂冲埽灣之處舊有月隄者均宜加帮放淤舊無月隄者均宜另建月隄以備將來放淤至於無隄之處均宜就其高阜土脊另建遙隄以爲外衛大抵地勢高阜者宜建遙隄而不宜建月隄若建月隄於高阜之地旣不能放淤徒爲積水所浸倘縷隄有傷水入月隄勢更湍急斷非月隄所能抵禦也地勢窪下者則又宜建月隄而不宜建遙隄若建遙隄於窪下之地不但水至建旣而

下難以抵禦且使遙隄之內縷隄之外可耕之地  
常爲積水深坑末由宣洩無益於河有損於民此  
月隄遙隄義固各有所取而地亦各有所宜也自  
來議月隄者皆爲放淤涉險寧可臨汛堵築議遙  
隄者則謂築隄於水罕到之地原覺過計殊不知  
頂冲埽灣之處縷隄平薄若不放淤日益汕刷舊  
土漸坍新隄難固爲費日多一日危險日甚一日  
豈可苟延旦夕不爲遠計且放淤之法不自今日

現在兩岸淤平之月隄不可勝數其他凡屬險工大半築有月隄前人爲此無非爲放淤而設自當因其涉險益加鄭重一勞永逸以期萬全不宜因噎廢食坐致危險也至河灘寬岸水勢雖云罕到然厯考近年水勢漸大乾隆二年之水大於常年而三年之水則又大於二年矣考之河防一覽所載隄水之法凡凌汛長水一寸秋汛長水一尺捷地興濟兩減河自建閘以來凌汛從未過水今歲



凌汛兩開口過水四五寸不等就此而論焉知今年之水不更大於上年然則歲築遙隄以放淤似險而實平築遙隄以外衛似迂而實切也本道復往查勘就中叅酌凡隄外地勢低窪者宜建月隄以備放淤隄外地勢高旱者宜建遙隄以防暴漲如隄外地勢低窪旣不宜建築遙隄而形勢迫促又不能放淤者則惟歸於歲修項下加幫縷隄逐年漸幫數年之後可以幫至數丈之寬厚亦與放

淤成功之月隄遠築高厚之遙隄無異矣此分別  
新建月隄遙隄之情形也至河道綿長工段甚多  
細查原奏有陸續估報之議今應就中分別緩急  
如縷隄已經單薄舊有月隄者今歲新建月隄俟  
明年再行加幫然後放淤如縷隄尚未單薄雖舊  
有月隄亦俟明年加幫放淤如無月隄則俟明年  
方建月隄至於遙隄則以水到之淺深爲遲速如  
上年水已抵岸者今歲卽建遙隄上年水尚未抵

岸或抵岸而相離尚遠者亦俟明年方建遙隄此  
估計遙隄月隄加帮縷隄月隄緩急之情形也統  
計全河今年放淤者四十八段急修月隄遙隄二  
百一十七段緩建月隄遙隄二百六十五段此外  
可以稍緩放淤之舊月隄六十三段俟下年同今  
年新建之月隄參觀形勢逐一加帮漸次放淤約  
三年內全河險工皆可以放淤成功今估緩修之  
遙隄亦於三年內可以建完再爲零星段落缺陷

未能接續者止須河兵民夫陸續補築亦可全完  
自此之後全河兩岸凡頂冲埽灣之險工則縷隄  
皆有數丈及十餘丈之厚儼同遙隄河灘之平工  
則有遙隄層層外衛隄埧相接卽遇暴漲聽其平  
漫不勞堵築無虞泛濫惟有逼近城垣村鎮河岸  
逼窄不能建遙隄不能放淤又不能幫築縷隄然  
後用草工護衛計全河不過五六處而止此建築  
遙月隄之後不出三年可期安瀾之情形也一官

民隄宜分別也沿河隄岸俱有字號達部有官隄  
有民隄官隄危險動帑修築民隄聽民修築官隄  
責河兵看守民隄責民夫看守此定例也今遙月  
各隄乃係於縷隄之外另議建築以爲一勞永逸  
之計實與常年修築者不同其應築遙月各隄有  
應就民隄民埵上加築者有應於原無隄埵之地  
加築者若拘於民堤民修之說在小民食力有限  
豈能一概興築且民修之工不用夯礮隨修隨坍

亦非永期堅固之意應無論官民字號凡關估建  
遙隄月隄均須動帑俟三年保固之後仍交民間  
看守方無偏累其間舊有民埝加幫高厚以爲遙  
隄者自應除去舊有之土另估新用土方以免混  
冒其加帮舊月隄放淤之內有原縣民修之月隄  
者定例乃派民修但加帮月隄專爲放淤最關利  
害若責民修不用夯礮難以放淤省費無多疎虞  
堪慮且此隄一經加帮淤平之後永無修費又與

年年歲修者不同應歸於另案遊月隄之內不便  
聽之民修亦不便歸歲修也至於零星民隄民埝  
責令民間合力興修其官隄零星殘缺則責令河  
兵力作興修毋致糜費一月隄更宜堅實也放淤  
全在月隄堅固乃無他虞今歲估計放淤之工甚  
多皆係舊有之月隄因恐當日所築虛鬆而隄外  
又係窪下之區故另估隄外加帮戩隄一以閉其  
孔穴一以厚其根基也至於新建之月隄專爲將

來放淤之地正宜於此時將根基加築堅實一勞  
永逸在此一舉凡築新月隄務先將平地夯礮三  
次打入五寸然後加土仍復層土層礮不得稍有  
假借其如帮舊月隄則須將舊隄鼠穴獾洞尋覓  
刨挖并令新舊扣入三步俾其粘連月隄內之柳  
株仍行存留聽其淤深仍可長發月隄外之柳株  
如有逼近隄根者許其斫去以便夯礮其柳株卽  
留爲防護之用俟淤工完畢之後仍照補栽一隄



身高寬宜相地收分也新建月隄將來放淤之年  
仍須加帮原無庸過用坦坡至於遙隄乃在河岸  
無水之處不必高寬一律致滋糜費其高低各按  
地勢高下其寬窄則照平工之隄每高一尺用二  
尺或二尺五寸收分其頂底統照此計算不得過  
於陡直至於加帮縷月隄乃傍舊隄加土則不必  
一律收分總以衛護舊隄新舊隄相連爲合式如  
沿河險工則遵照憲行圖式分別收分不得任意

寬窄

謹案放淤以築隄惟直隸南運河有之然必

萬全而後可收放淤之益稍不詳慎轉受其害以上放淤事宜水情情形今昔不同弗執只見弗泥成法思其利防其害固司河者之責也可不慎哉

畿輔安瀾志

臣王履泰恭纂

衛河卷八

官司

總督直隸兼管河道一員

大清會典凡督撫管理河務定例黃運兩河設河道總

督一員總理兩河事務康熙四十三年特降

諭旨因直隸山東河道與總河相距甚遠照河南例交本省

巡撫就近兼管辦理乾隆十四年奉

旨直隸河道令總督兼管凡直隸境屬之河道統轄焉

分巡順廣大兵備道兼水利河道一員雍正十三年  
設

分巡天津海防子牙苑家淀河天津河間等處河道  
一員雍正四年設

沿河畫天津道駐劄天津州凡北河分司所屬在  
濟寧州以北者歸本道管理 河防志天津道一

員兼管河間府屬各州縣衛工程北河分司康熙十七年裁

大名府大名縣衛河縣丞一員

河防志大名縣知縣一員兼管本縣衛河縣丞一員專管本縣衛河

元城縣主簿一員本係縣丞嘉慶十二年與宛平縣主簿對改

河防志元城縣知縣一員兼管本縣衛河縣丞一

員專管本縣衛河

廣平府清河縣縣丞一員駐劄油坊集

大清會典康熙三十三年以清豐縣縣丞改設北河

續記東昌府管河通判一員兼管直隸清河縣河

道三十九里河防志直隸廣平府知府一員兼

管清河縣運河工程東昌府下河通判一員管直

隸清河運河工程直隸清河縣知縣一員兼管本

縣運河工程縣丞一員專管本縣運河工程

謹案清河縣丞前明屬山東東昌府判官

本朝屬東昌府下河通判乾隆三年改歸屬直隸河間  
府河道工程 河南管河道治河檔案吏部等衙  
門會覆原任河道總督靳輔疏稱山東東昌府通  
判原管德州十餘州縣衛河道共計六百餘里道  
路綿長不能分身兼顧今查德州有原設管河州  
判一員但德州河道止一十八里誠可歸併州同  
帶管將此州判裁去添入東昌府改爲下河通判

分轄一州二衛恩縣夏津武城直隸之清河故城  
入州縣衛河道駐劄武城縣仍以現任通判爲上  
河通判分轄聊城堂邑博平清平臨清館陶六州  
縣河道駐劄郡城又直隸河間府管河通判一員  
駐劄景州吳橋等十一州縣衛河道綿長八百里  
內天津同知止於分催滄州青縣靜海並天津三  
衛六州縣衛之重空漕船其修防疏濬之事不與  
焉今應將景州吳橋東光交縣南皮五州縣河道



與夫重運回空漕船照舊責令通判修防挑濬催  
償外其滄州青縣靜海三州縣並天津三衛河道  
與大重空漕船一幷分與天津同知專管修防挑  
濬催償至青縣河道二百餘里主簿一員不能兼  
顧應於該縣興濟鎮巡檢分管料理又直隸故城  
縣河道夾在山東武城恩縣兩縣之中江南沛縣  
河道夾在山東魚臺滕縣兩縣之中故城見隸河  
間管河通判專轄遠住泊頭沛縣見隸徐屬同知

專轄遠住徐州俱不能兼顧照直隸清河縣例將  
故城改隸山東東昌府清河通判兼轄將沛縣改  
隸山東沛河通判兼轄至凡有河道州縣俱有管  
河主簿以專司之今山東博平一縣直隸之香河  
南皮吳橋故城清河五縣俱無專員乃係典史專  
管夫典史有城廂捕盜之責不能兼管河道查鄰  
近地僻之縣可以不設縣丞並有丞簿兼設之縣  
如山東之冠縣直隸之魏縣南樂清豐東明元城

滑縣等縣俱可通融裁併應將冠縣縣丞裁去改  
爲博平縣管河縣丞將魏縣縣丞裁去改爲吳橋  
縣管河縣丞將南樂縣縣丞裁去改爲故城縣管  
河縣丞將清豐縣縣丞裁去改爲清河縣管河縣  
丞再查大名府元城滑縣各有縣丞主簿兩員應  
將元城縣主簿裁去改爲香河縣管河主簿將滑  
縣主簿裁去改爲南皮縣管河主簿所遺元城滑  
縣衛河河道并長垣縣新經黃河徙至境內創築

隄工俱應歸併各縣縣丞又大名縣亦有衛河並  
無專責應將東明縣縣丞裁去改爲大名縣衛河  
縣丞專管而責成之並濬縣內黃二縣管河縣丞  
俱令大名府通判管轄

河間府河捕同知一員

謹案河防志河間府知府一員兼管府屬各州縣  
運河工程河間爲漳衛滹沱子牙唐易巨馬諸水  
所經則同知所理固不止一運河也

河間府駐劄泊頭鎮管河通判一員

北河續記河間府通判景州以北至天津河道隸  
之 河防志河間府管河通判專管交河景州吳  
橋東光南皮五州縣運河工程

故城縣縣丞一員

故城縣鄭家口巡檢一員

〔北河續記〕管河道六十里

謹案此員前明本設主簿後裁以典史兼管河道

本朝康熙三十三年總河靳輔奏請設縣丞一員專管河道與清河縣並改屬東昌府下河通判雍正四年以事關隔省一官兩屬非便與清河縣復歸直隸後總河朱藻又請改屬山東下河通判乾隆元年仍歸直隸河間府同知管屬至今因之其唐平府屬之清河縣亦同時改歸

景州州判一員

北河續記河道共二十四里

河防志景州知州

一員兼管本州運河工程州判一員專管本州運

河工程

吳橋縣縣丞一員

北河續記河道東西各六十里

謹案此員明嘉靖十七年設主簿四十一年裁萬

厯中設典史

本朝改主簿康熙中裁二十一年設縣丞專管河道

吳橋縣安陵把總一員與景州交界分管東西兩岸

隄工各十五里

東光縣主簿一員

〔北河續記〕河道東西各六十里 河防志東光縣

知縣一員兼管本縣運河工程主簿一員專管運

河工程

東光縣連鎮把總一員分管東西岸隄工各三十里

交河縣主簿一員

〔北河續記〕河道南接東光李道灣起北接青縣白



洋橋止共五十里又河間衛河道三十八里交河縣帶管河道南接交河驛北口起北接交河陳家口止共三十八里又瀋陽衛河道一里交河縣帶管河道南接交河劉家口起北接交河劉家口止  
河防志交河縣知縣一員兼管本縣運河工程  
主簿一員專管本縣運河工程

交河縣把總一員駐劄薛家窩與南皮縣交界分管西岸隄工二十七里

天津府漕運同知一員雍正九年設

河防志河間府天津海防河務同知一員專管滄  
州青縣靜海三州縣天津衛運河工程 畿輔通

志天津同知一員向屬河間府雍正九年改隸天

津府

天津河捕通判一員雍正十一年復設

南皮縣糧河主簿一員

北河續記河道五十里 河防志南皮縣知縣一

員兼管本縣運河工程主簿一員專管本縣運河工程

謹案此員舊有典史管本縣河道康熙三十一年設主簿一員

滄州州判一員

〔北河續記〕河道四十里 〔河防志〕滄州知州一員

兼管本州運河工程州判一員專管本州運河工程

滄州風化鎮巡檢一員李村巡檢一員

畿輔通志呂家橋巡檢一員雍正十一年設十二年移駐李村鎮

謹案乾隆二十年總督方觀承題准滄州風化鎮巡檢專司南減水河李村巡檢專司北減水河  
滄州捷地把總一員分管東岸隄工二十七里

青縣主簿一員

北河續記河道一百七十里 河防志青縣知縣

一員兼管本縣運河工程主簿一員專管本縣連河工程 二統志流河鎮在青縣東北三十里衛河西岸有管河主簿駐此

青縣興濟鎮巡檢一員

北河續記河道四十八里 河防志興濟鎮巡檢一員專管本縣運河工程

青縣唐官屯千總一員舊係天津中所千總乾隆元年改設與靜海縣交界分管西岸隄工三十二里

靜海縣主簿一員

〔北河續記〕河道一百三十里 河防志靜海縣知

縣一員兼管本縣運河工程主簿一員專管本縣

運河工程

獨流鎮巡檢一員

靜海縣良玉莊把總一員分管東西隄工各二十九里

天津縣縣丞一員

楊青驛巡檢一員

減河主簿一員

葛沽巡檢一員

守備一員駐劄天津總理修防催漕事宜

天津縣趙家場把總一員分管南北岸自碾垞嘴至  
獅林隄工四十二里

謹案文職河員舊有正順河三府管河同知一員

大名府河捕通判一員長垣縣縣丞一員

大清會典今順德府同知向管漳衛滹沱河工水利其  
後漳河由館陶入衛不經順德而滹沱河又於雍  
正七年怡賢親王奏請改歸正定府同知管理本  
府同知惟轄邢臺等九縣及趙州之寧晉泊大陸  
澤水利工程而已其印則猶是舊銜也大名府河  
捕通判一員河防志以爲專管府屬衛黃工程今  
長垣縣縣丞一員河防志以爲專管本縣黃河工  
程行水金鑑今縉紳有主簿無縣丞豈當日曾以



主簿管河務後又改縣丞歟又東明縣有杜勝集  
巡檢一員亦河隄官皆管漳河及衛河事今漳河  
改由館陶入衛而衛河之在順廣大三府境者無  
事修治故官亦不兼銜矣又霸州州判一員文安  
縣主簿一員大城縣主簿一員北河續記霸州河  
道係霸州委官管理南接靜海長屯起北接靜海  
觀音堂止長三里河防志以州判爲運河專管官  
今靜海縣之西北爲黑龍港三支之流及新舊子

牙河所隔不復與大城文安二縣境接三州縣皆屬順天府昔時衛河經其境又武職北河續記天津衛管河千總一員天津左衛管河千總一員天津右衛千總一員河防志天津衛守備一員千總一員天津府新志天津縣把總汛分管西岸香林苑起南至候坨嘴止靜海縣管河千總汛分管東岸北自陳官屯按界起南至馬廠止西岸北自蘇家隄新界起南至胡家新莊止青縣東管河千總

汛分管西岸北自趙家窪起南至佟河溜止滄州  
把總汛分管東岸北自佟家墳接界起南至磚河  
大寺前止西岸自蓮花池接界起南至好漢墳止  
畿輔通志天津河協營副將一員守備一員千總  
六員把總十五員天津府志天津道標設守備等  
官順治六年裁嗣復外委四員天津河標左營副  
將一員中軍都司一員千總二員把總三員右營  
游擊一員中軍守備一員千總一員把總五員青

縣汎千總一員興濟鎮把總一員馬廠汎把總一員靜海汎把總一員唐官屯分防把總一員滄州汎千總一員舊滄州汎把總一員南皮縣汎把總一員薛家窩汎把總一員馮家口汎把總一員鹽山縣汎千總一員高家灣汎分防外委把總一員慶雲縣汎把總一員沿河二十五撥天津縣正靜海縣六滄州三鹽山縣十三慶雲縣一天津縣志中所管河千總二員左所管河千總二員右所管

河千總三員康熙六年各裁一員又歷代治黃治  
漕設官或久或暫或專或兼廢置無常不盡爲衛  
河南運河而設亦不盡屬之直隸茲不詳列以免  
繁瑣

附河兵夫役

舊時南運各汛設有淺夫六百零三名半乾隆元年  
總河劉於義題准淺夫改爲六百名分佈沿河十一  
州縣防汛南河每名歲給銀十四兩四錢器具銀八

錢內除把總外委坐糧名糧三十二分

把總二員每員給坐糧四

分外委四員每員給名糧二分

舊時力作河兵五百六十八名河兵

例堆土牛北河無之天津道張坦熊額令州縣共堆土牛以防水泛又設河兵堡房一百四十餘間以蔽風雨又令河兵冬春之交各栽柳樹今十一州縣柳圍三四尺或七八尺不等又三年四年奉

旨將直隸河兵改為戰一守九俾樁埽手得食戰糧五年東

省并歸吳橋白草窪等淺拙撥河兵九名九年直省

興修水利子牙新河一帶添設河兵因議裁節南運  
河兵額數十七年總督奏准酌請核定裁留河兵其  
浮額卽於老病事故節次退減以停補爲裁汰三十  
七年在於格淀隄裁撤河兵二十名內撥補十名今  
存三百六名內食戰糧者三十名食守糧者二百七  
十六名

祠廟

洪濟威惠主祠

北河續記在衛輝府百門山下衛水發源之所元至元間封二統志在輝縣西北蘇門山百門泉上宋封威惠王元封洪濟王明洪武中改稱衛源之神有司致祭看河紀程威惠王祠殿名清暉有清暉閣頗似西湖湖心亭松栢回繞北倚山麓樓閣殿亭排列於後元東阿李謙廟碑記畧至



元平十二年閏月辛巳中書省奏禮部言衛輝路  
共城縣北五里御河發源原故有廟前代嘗封王  
簡謚曰威惠逮及聖朝未蒙加增集翰林官議咸  
謂加封洪濟威惠王於典禮爲宜三十二年衛輝  
路總管府判官兼司稻田井德常上言廟歲久傾  
圯宜仰有司更葺其年十一月工部符奉堂帖檄  
知州司仁躬董其役經始於元貞改元之九月落  
成於明年三月糜官錢寶鈔四千九百餘緡

謹案此衛河神也雖不在直隸境而爲漕運之源  
非他河可比不可得而略焉著於卷首亦祭川者  
先河後海之義也

漳衛二神祠在大名府南門外十里

詳漳河篇

龍王廟在大名縣東十八里三角潭上邑人張信施  
地創建御史譚慶知縣李瓚朱湘增修

濟瀆廟二俱在長垣縣一在縣西關一在縣東南頓  
邱村

昭應祠在長垣縣東南八十里黃陵岡上明宏治七年建以祀河神

明實錄武宗正德十一年九月總河趙瓚言黃陵岡舊有昭應河神之祠自河決梁靖口以來遂至蕩廢無餘祀禮久缺今治河工成宜答神祝乞重造祠宇令有司以時致祭從之

謹案太學士劉健黃陵岡碑記云乃於塞口各賜額立廟以祀水神安平鎮曰顯惠黃陵岡曰昭應

陶背河神廟在長垣縣油房寨

龍王廟在東明縣東北洪漆二河會流處蓋以祀二河之神也

靈津廟在開州西南別鶴里

宋孫洙澶州靈津廟碑畧熙寧十年秋大雨霖河洛皆溢濁流洶湧初壞孟津浮梁又北注汲縣南泛胙城水行地上高出民屋東郡左右地最近隘土尤疏惡七月乙丑遂大決曹村下埽凡灌郡九

十五而漢齊鄆徐四州爲尤其官亭民舍鉅數萬  
水所居地爲田三十萬頃天子哀憫元元爲之肝  
食與公卿大夫議塞河明年立號元豐天子遣官  
以牲玉祭於河而以閏正月丙戌首事五月甲戌  
朔新隄成九百一十有四里詔名埽曰靈平立廟  
曰靈津功歸於神也方天子憂埽於合未固水道  
內訌上下惴恐俄有赤蛇避於埽下吏置蛇於盆  
祝而放之蛇亡而河塞天子聞而異之命褒神以

顯號而頒頒於祠官曲加禮焉有詔臣洙作爲廟  
碑以明著神貺

### 江濱廟

清豐縣志在縣南十五里相傳神卽楚三閭大夫  
旁有井歲旱禱之輒應康熙十四年因禱雨靈應  
知縣楊燦同鄉官葉芳等修

謹案江濱不應在河北文獻通考直宗景德三年  
令澶州置河濱廟上幸大名也禱之有應及元年

駐蹕澶淵河流不冰故立祠春秋致祭宋史真宗  
本紀大中祥符元年十一月辛未河瀆廟加封後  
人蓋誤以河瀆爲江瀆也又清豐縣志載靈源公  
廟云宋真宗祥符元年幸顯聖靈源廟酌奠以頓  
邱令爲廟令又命學士晁迥爲碑錫此封考文獻  
通考是年十一月奉駕過澶州幸河瀆廟酌奠進  
號河瀆曰顯聖靈源公廟卽河瀆廟也縣志以其  
誤爲江瀆而爲二廟耳

泉源祠

太平寰宇記澶州頓邱河東北三十五里有泉源祠詩云泉源在右卽此

五龍口祠在興樂縣東北二十五里值永龍河之下尾蓋以祀永龍河之神也

龍窠寺在南樂縣東北四十里龍窠村龍窠河自縣東南流至寺前而絕舊以祀龍窠河神

清河縣龍王廟在縣西南十里龍潭上蓋以祀衛河



神

吳橋縣龍王廟亦祀衛河神

北河續記在吳橋縣南門外

河神廟

畿輔通志在東光縣西門外廟近衛河口蓋以祀  
衛河神縣志春秋仲月上戊致祭

謹案九域志永靜軍龍堂唐貞觀中有龍現勅建  
祠堂考唐武德初置觀州貞元二年改置景州移

治東光周置定遠軍屬滄州宋景德元年改名永  
靜此祠當在今東光縣遺址不可復尋矣

南皮縣河神廟在縣之泊頭鎮北康熙十一年河水  
東溢知縣馬士瓊潔誠致禱水即西歸因而創建亦  
祀衛河神

慶雲縣龍王廟蓋祀獻河之神

天津府志獻河在慶雲縣南三十里岸南有龍王  
廟

黑龍祠在鹽山縣城南十八里黑龍灣之北築大土臺廟建臺上蓋祀黑龍灣之神

謹案黑龍灣內有井一眼土俗相傳以爲龍宅不敢取水禱雨輒應

五龍堂一名感應祠在舊滄州東南八里廟南有大井一座井南卽午清池也今池已淤

宋韓正彥龍井靈異記滄州之東南距城八九里有池曰午清周圍僅六百步水味鹹苦冬夏澄清

大旱不竭大水不溢稱爲感應神祠載於祀典土  
人尊崇之謂海神所宅元祐二年余假守至郡明  
年天久不雨余齋戒異寢翼日遲明率郡僚抵祠  
下致禱禮畢膏澤滂沛一夕霑足因記其靈感之  
迹以傳後人之信云 〔明宋訥龍井靈異記〕余自  
正統丙寅歲守茲土越戊辰夏亢陽爲虐雨澤愆  
期躬率耆老詣神祠禱與神約誓若果獲甘霖以  
濟吾民靈祠神井我當理之自丁卯而告甲辰乙

已洪雨大澍明年己巳復旱又至祠下懇叩胥酬  
前願以牲牢告功須臾狂風蕩埃黑雲捲雨僉曰  
神明所感如是其年秋八月重建後堂三間周圍  
垣牆三百步許景泰庚午又旱余再祀禱靈雨滂  
沛百里均霑於是塑神像龍儀煥然一新其夏五  
月既望白魚出見三日或沉或浮人所習知蓋千  
百計視董公廟記龍魚故事若合符節余恐後來  
君子將謂妄談故鐫石記之

興濟龍王廟祀衛河神

北河續記在與濟縣東十里

神河廟在青縣城東衛河東岸祀衛河神

分水龍王廟

北河續記在青縣岔河口滹沱衛河交會之所

宏仁廟在天津縣城東門外海河西岸雍正三年

勅建蓋祀海河之神

賜廟額曰宏仁正殿額曰承天下濟皆

御書正殿中爲龍王左爲靈應英濟侯右爲金龍四大王

平浪元侯廟又名小聖廟

長蘆鹽法志小聖海神也舊廟在天津西始封平浪侯繼封濟運顯應平浪元侯順治六年津人移建於此康熙二十三年重修又阜財豐財二場俱有廟

海神廟在天津縣東南一百二十里大沽海口康熙二十六年

勅建

御製碑文

賜額雍正五年重修

御製碑文皆恭泐廟中

天后宮在天津縣東門外

謹案元史泰定三年八月作天妃宮於海津鎮卽此  
元危素河東大直沽天妃宮碑記畧慶國利  
民廣濟福惠明著天妃祠吳僧慶福主之泰定間



勿戒於火福言於都漕運萬戶府朝廷發官帑錢  
使更作焉嗣慶福者二人始吳僧智本主六年以  
至正十一年圓寂衆請主西廟僧福聚來繼其任  
然東廟素卑下潮汐漸經棟宇摧壞會覃懷還公  
曾曾以海道萬戶督運行海中所乘舟觸山石幾  
覆乃亟呼天如俄火發於桅若振其舵遂得免請  
於朝加神封號福具以修廟告遼公以文書至部  
交章以達中書發錢八百五十屬縉同知鄆州事

脫歡庸責其成因增築其地高至八尺有餘又出  
俸錢爲之倡哀衆資增置地基漕民吳中郁慶國  
徐珍等各施財卽廟前剏觀音堂慶國又塑觀音  
阿羅漢四一餘像過者竦然爲之敬畏乃爲之記  
天妃之廟額天厯間所賜也

# 水利

天津縣營田在天津縣城南之賀家口其西曰藍田  
東瀕海河雍正五年因橋建閘周圍築埝園內開渠  
縱橫貫注引用海河潮水仍洩水於本河共營田四

十七頃八十二畝

藍田康熙間鎮臣藍理所開也河渠汙岸周圍數十里墾田二百餘

頃以浙閩農人數十家分課耕種每田一頃用水車  
四部插蒔之候沾塗遍野車戽之聲相聞秋收畝三  
四石不等雨後新涼水田  
漠漠人號爲小江南云

靜海縣營田一曰何家園西與雙港溝渠相通雍正

五年營治稻田一百五十五頃五十六畝

何應園周圍地勢平

坦土性滋潤天然杭稻之鄉前明撫臣汪應蛟相度屯田以此爲首園中有官莊園外有大人莊詢據老民當時屯田御史及屯田一曰吳家嘴園三面臨河道廳等官駐劄於此故名

雍正五年開渠馮家口建閘引水並設涵洞三座營

治稻田四十三頃三十三畝一曰雙港園東與何家

園溝渠相通兩園互有蓄洩雍正五年營治稻田七

十六頃九十七畝

雙港園亦汪應蛟屯田舊地也

一曰白塘口園雍

正五年營治稻田六十九頃三十九畝

白塘口屬河形闊基皆汪

應蛟屯田故蹟董太僕應舉於天啓中修復之故遺制猶存卽用闢基舊石添砌建造並設涵洞二座

一曰辛莊圍雍正五年營治稻田六十二頃十一

畝辛莊圍亦汪應蛟屯田舊地也村東西各有沽河河道西河卽屯田故渠東河則津人鄭衛引入種

稻所開也

津州營田一曰葛沽圍一曰盤古圍雍正五年營治

稻田五頃五十畝

二沽畛域聯接自汪應蛟肇開水田土人至今習知其利亦能自製

水車所產稻米幾與白玉堂等

興國場營田富國場營田皆在天津縣之東西泥沽

雍正五年營治稻田六十五頃五十畝以上營田皆

引川海河潮水仍洩於本河

泥

海口六十里河

亦汪應蛟舊屯地董應舉修復之河形宛在溝渠之  
迹猶歷歷循舊開渠各建進水閘一座洩水涵洞各  
二口天津舊爲衛治改州後疆界未分故月十司  
自藍田賀家口而外隸靜海縣者五隸滄州者二隸  
興國富國二場者各一  
至雍正九年設府改縣更置  
幅幘諸圍地皆歸隸天津縣矣此猶仍營田原州  
所稱  
次也

畿輔通志天津營田全資潮汐一面濱海三面開

渠與河水通潮來渠滿則腴而留之以供車耳中

間溝塍地壤宜轉交通四面築圍以防雨澇皆前  
明汪司農應蛟遺制也汪公至天津見白塘葛沽  
一帶地斥鹵不耕種間有近河菽豆者每畝收不  
過二斗以爲此地無水則鹹得水則潤若以閘漸  
濱海治地之法行之穿渠灌水未必不可爲稻田  
一時文武將吏諸人無肯應命者公乃以身倡之  
捐俸買牛置器開渠築隄先於葛沽白塘二處種  
水稻二千餘畝收四五石餘種葛豆得水灌溉

糞多者一畝收一二石惟旱稻以鹹立稿於是軍民始信閩浙治地之法可行於北海而各官益信斥鹵可變爲膏腴也於是疏請於朝以防海官軍萬人分田懇種屯政大興至今土人猶傳十字圍所謂求仁誠足與食力古所貴者是也惟是民雜五方逐魚鹽之利取足旦夕而不爲久遠之計雖禾黍之植亦鹵莽從事至沾塗升輓之勞益視爲畏途以故旋舉旋廢雍正五年營田十圍今存者



賀家口葛佑兩圍而已開局之始怡賢親王深思  
遠覽以天津當河海咽喉爲

神京牖戶又覽左忠毅光斗屯政諸疏大興水利於天

津一帶稻花茂密因慨然欲復汪司農之舊跡發

帑委員尋求經理而故習狃難不變美意未及觀

成然圍渠遺址現有稍加修葺未始不可溉糞沃

淤長我永黍也

詳案此文見陳儀蘭雪齋集通志蓋錄川之

又水利

營田雍正四年四局之設一曰天津局統轄天津

靜海滄州暨興國富國二場自苑口以東凡可營  
田者咸隸焉局各有長有副有效力委員相度估  
料開築建造皆委員與地方官偕而查報地數花  
名給發農本則專責之地方官田成工訖工程工  
本尙令守土者遵前規而以時達之水利營田府  
自五年分局至於七年營成水田六千頃有奇

謹案

此兼承東京西京  
南及天津言之

九年大學士朱軾河道總督劉

於議奏請遣太僕卿顧琮乘傳稽覈之除距水較

遠地勢稍高須車戽而聽民隨便種植外其餘水  
足地平無煩汲引之處取地方官永遠可爲水田  
結狀著籍存戶部荒廢者查叅例議設觀察使二  
員兼以憲職分轄京東西督率州縣開營可田地  
畝無力者資以牛種之費秋收扣還所有舊田圍  
渠閘洞修治俾無壞又設副使二員出資經理以  
爲民倡我

世宗憲皇帝愛養元元與之圖萬世之安與神禹比隆不可

不紀也